

NEWSPAPER CLIPPING

Date : 27 Januari 2018
Title : PKS UNITEN belasah KL Wipers
Publication : Berita Harian Online
Page :

SUKAN » Lain-lain (Sukan)
Sabtu, 27 Januari 2018 | 9:14pm



PEMAIN PKS Uniten-KPT, Wan Norfaiezah Md Saiuti (kanan) menghalang pemain KL Wipers., Nur Suraya Ashikin Mohd Zuraimi dalam pertembungan mereka untuk Liga Hoki TNB Malaysia di Stadium Hoki Nasional Bukit Jalil. - Foto Supian Ahmad



NEWSPAPER CLIPPING

Date	: 27 Januari 2018
Title	: PKS UNITEN belasah KL Wipers
Publication	: Berita Harian Online
Page	:

PKS Uniten belasah KL Wipers

Oleh Saiful Affendy Sapran
saifulaffendy@nstp.com.my



KUALA LUMPUR: PKS Uniten-KPT ternyata berada dalam kelas tersendiri apabila tidak berdepan masalah menewaskan KL Wipers , 8-1 pada saingan Liga Hoki Wanita Malaysia di Stadium Hoki Nasional Bukit Jalil, sebentar tadi.

Dilabel sebagai pencabar kejuaraan musim ini, fokus barisan pemain PKS Uniten jelas tidak terganggu selepas perlawanan bertemu Blue Warriors yang dijadualkan pada minggu lalu terpaksa ditangguhkan berikutan faktor cuaca.

"Pemain mengikut perancangan yang ditetapkan apabila menyerang dan bertahan dengan baik.

"Walaupun majoriti pemain lawan adalah pemain muda untuk persiapan SUKMA 2018, tetapi saya tetap meminta pemain memberikan aksi sebaik mungkin dan meraih tiga mata penuh.

"Kami perlu kekalkan aksi konsisten ini sehingga penghujung musim," kata ketua jurulatih, Lailin Abu Hassan ketika ditemui selepas tamat perlawanan.

PKS Uniten berada di depan 4-1 selepas berakhirnya separuh masa pertama, menerusi gol sumbangan Nuraini Abdul Rashid minit ke-3, Hanis Nadiyah Onn (m-6, 27) dan Fatin Shafika Mahd Sukri (m-8).

Gol tunggal KL Wipers dijaringkan oleh Hasya Syahida Saifuddin (m-15).

PKS Uniten menambah empat lagi gol menerusi jaringan Fatin Naimah Zaki (m-31), Nur Zafirah Aziz (m-39), Hanis (m-50) dan Nuraini, tiga minit sebelum tamat permainan.